

兩
浙
輶
軒
錄

兩浙輶軒錄卷二十九目

許 葵 陸 烈 陳 淦 李浚原 周元涪

施江濤 鄭大節 張懋延 董 相 李 鑑

胡 驥 劉世貴 趙文照 金維丙 劉 清

沈 紀 吳尊周 徐 頤 婁元豹 金士芳

金又坡 姚大源 吳尊皋 劉 燃 王大治

周大榜 葉心傳 姚念祖 施大綱 劉積慶

王國浩 鄭 琨 王 普 王 瑩 洪 楠

吳 江 樊耀碧 謝匡瀚 韓 法 錢登俊

周廷弼 王 詩 胡作肅 陳世榜 陳經濟

吳洪濤 周 蓮 徐 英 樓步蟾 吳彭年

李克孚 王胥纘 樓廷廣 張以本 張 璘

邵志晉 高國馬浩 張顯謨 陳之恕

趙岷 丁榮基 沈濟壽 胡邦盛 郭瑞齡

祝淦 王秉和 薛尙英 吳世英 邵灝

祝咸叙 陳士洸 祝兆星 許逢辰 陳瑛

崔學泗 鍾和梅 陳克光 平世增 包旭章

茹敦和 蔣學鏡 邵志謙 黃昌瓚 倪大宗

祝咸章 陳植滋 徐蘭曹鑑 吳森

周鶚薦 齊圖南 孫嘉駒 姚德至 屠炯

楊景雲 李豐 陳廷訓 胡夢檜 朱麟應

湯聘 何陳調 張自新 柳秉謙 施滄濤

張沅 蔣鍾文 柳易 陳述曾 陳繼曾

濟兆龍 張爲雋 李自新 王銘錫 陳存矩

魏夢龍 陳 村 胡 煒 汪春溶 汪永錫

羅羽豐 宋慶嘉 張 組 杜正鵠 徐本禮

陳能聲 平聖臺 范家相 蔡以臺 宋佳琇

謝 立 顧華白 王 標 查岐昌 陸 琛

陳天顏 張之森 葉 驥 史敬義 薛 鴻

吳修敬 唐 虞 沈士鳳 王世華 吳金城

兩浙輶軒錄卷二十九

督學使者阮元訂

許炎

字敦公號西峯海寧人乾隆乙丑進士由庶吉士改榮陽知縣陞許州知州

曉泛太湖

人來地少雲多處舟在山輝水媚間響屨廊中歌舞歇五湖
髣髴見烟鬟

晚坐

幽興憑誰遣迎涼日落時惜蟻遮牖燭救蝶掃簷絲秋近蟲
先覺風生竹早知避炎宜卜夜此味最堪思

陸

烈字武功號柳園餘姚人乾隆乙丑進士官新鄭知縣

姚江詩存柳園先生性豁達倬信尚義知交多賴以濟家亦由此落官新鄭時闢荒基創立書院斥公田爲膏火資士風於是大振

題且憩亭

天然圖畫爲誰開一笠空亭客往迴風遞秋聲搖櫓去山浮
春色過江來愧難觸石成雲路恨不緣崖築釣臺最是夜深
江嶺靜月明人渡遠公杯

陳

淦

字揚對號鐵巖海寧人世侃子
乾隆戊辰進士官翰林院侍讀

六月十日雨後夜坐校杜集

破暗燈如豆窗開夜氣浮斷雲還帶雨落葉已先秋前輩風
流邈謂漁洋諸
名公評語殘編取次讎愛他清絕處童子早垂頭

李

浚原

字衛郊山陰人乾隆庚午
順天舉人官福州知府

越風衛郊南苑詩五六與陳臥子禁苑起山名萬歲復
宮新戲號千秋同一格調弔苑烈婦詩表章風化別於
風雲月露之詞其子堯棟
穎悟絕人有神童之目

南苑踵李東陽韻

南苑前朝拓地開霜風殺草掠枯槐乘時秋獼鸞旗出候曉

長楊羽獵來林際射熊因築館雲中落雁亦名臺獨騎款段
無聊客羨煞楊雄作賦才

周元涪

字漢川山陰人乾隆庚午舉人官孝豐教諭著白雲樓稿

越風漢川爲觴軒同學令子弱冠登賢書留心詩學不落宋元以下

松陽雜詩

出郭不一里四山都是松松勢相接高下盡成峰我欲芒
鞋踏松邊訪古踪右軍不可見溪水響淙淙

登鎮海樓

高處凭闌接混茫清秋一氣上蒼蒼禺山西轉盤天紫海水
東迴湧日黃絕徼路通

宸極遠層樓雲合霸圖荒蕭蕭木葉西風裏幾陣寒鴉卷夕
陽

施江濤

字來青鄭諸生著蓬廬集

袁鈞曰施江濤性耿介妻子冬月猶衣紵衣獨喜爲詩少時嘗病其神從頂間出後每苦吟覺神飛簷端自見其身瞑目屏息如死人人久之始寤

探春

問春默默春無語
流鶯爭解春情緒
向鶯啼處探春情
不知春在無聲處

鄭大節

字臨之一字籀垞慈谿諸生性子

袁鈞曰鄭大節由諸生以例加州判銜

題畫

幽居泉石可爲鄰
更有青山作主賓
不許白雲都占盡
補間

茅屋著閒人

張繼

字東翼號雙山鎮海拔貢生著學古隨筆

重宿月波寺

已謝招提覓勝遊，芒屨竹杖木蘭舟。
情豪酒許沿村飲，風猛花隨別澗流。
春水棹依雙白鷺，晚林騎出一烏牛。
山僧飯熟還烹筍，昨日詞人又上樓。

董

相字周望號嘯巖山陰人官古田知縣著獨石軒稿

越風嘯巖下世遺稿散亡茲就向日西園會課中摘錄數首以慰吾友

酒帘

片影落春流，河橋夕未收。
輕殊穿燕尾，細不寫蠅頭。
芳草社前雨，杏花邨外樓。
典衣行處醉，眞作杜陵游。

野寺

遙望寒雲裏，依然平楚中。
不知何處入，恰有小橋通。
清梵聲初斷，諸天界自空。
前身許元度，方外訪支公。

魯仲連射書處

舌本瀾翻不易平，胸藏武庫勝戈兵。
平原漫倚三千士，昌國徒誇七十城。
直棄繁華如屣脫，不教寵辱使心驚。
猶嫌一箭功成後，畢竟難逃海上名。

李

鑑字可巢，山陰人，官貴池王簿，著《紅蘭山房詩集》。

一指菴訪默機上人不值

疎林斷續野塘偏，雲鎖禪房錫未還。
曲逕荒涼蟲自語，碧流清淺鷺空拳。
窗前果熟無人摘，洞裏春寒有佛眠。
欲借蒲團參妙偈，夕陽隱隱月娟娟。

胡

驥

字上樞，山陰監生。

泊潮文亭

繫舸文亭晚夜潮，猶未歸數家殘雪岸。
野飯白沙磯，戍角咽。

欲斷江鳥凍不飛坐憐巖石叟何事獨忘機

劉世貴

字芸文號雲門山陰諸生著嘯月齋集

越風雲門從海門侍御稱莫逆書得二王神骨年未三十以勤學死海門每向子道及相對流涕西園十子中惟石帆學士成名最早而毀壁摧柯之痛莫如雲門才人無祿洵可哀已

秋草

陌上時相見茸茸色漸無涼風吹不斷零露濕還枯已謝飛花襯空勞落葉鋪浮生參物理所貴托根殊

邨燈

向晚江頭立邨燈一片紅穿林光不定隔浦影相通野岸人初靜高天月正中時時聞撒網烟際有漁翁

偶興

桑柘陰陰翠影稠閒身只合臥林邱坐來深竹不知暑聽去

遠蟬如帶秋風定輕烟籠野寺雨餘殘照入江樓十年塵夢
今初覺消受南村景物幽

趙文照

字韞山號塾
樵山陰諸生

打魚歌

柳陰濛濛一聲笛大船小船紛絡繹千絲細網張素空金輪
倒射珊瑚赤初時分布若斗杓忽然圍合翻層濤維魴及鯉
鰱鰱鯉一網而盡烏能逃亦有潛鱗祕呼吸一魚失水衆魚
泣霜刀直下亂雪飛棄置頭顱人不食水鄉俊味無處無餘
利兼可收菰蒲打門不怕催租吏飽煖直欲騎農夫君不見
農夫女年十六鬻女完租尙未足公然牽去雙鰕鯪

金維丙

字春卿號書巖山陰諸
生著雪鴻剩草今我草

蔡英曰金丈世居郡城之新河幼時越郡小試多寓其
家丈和煦春風不以昂角見少恒自誦其七言長篇抑

揚頓挫朗朗可聽併云取古人長篇如此讀去久則音節自諧聲調譜不足言也其持論類如此

陳彝白先生出示秋林指墨賦贈

彝白先生真健者以神爲車尻爲馬胸中五岳盤輪囷放筆
時時快吟寫龍山蒼竹圍成邨日與煙霞相吐吞清泉白石
互明瑟高人奇士爭攀論興酣解衣忘主客鳳唳龍寶忽狼
藉鴉溪一掃千尺強能事居然受促迫我來展視秋林圖寒
風慘澹烟模糊數峯清峭霜葉亦爽氣霏霏生座隅昔年曾
走西江道三十六灣秋色好夾隄楓柏照人明風光頓換容
顏老彈指音塵廿載餘摩挲此幅空嗟吁多君腕下通神筆
作我腰間記事珠人生佳景誰能捨入眼何須辨真假高懸
不厭百回看彝白先生真健者

次童璞菴白題借菴原韻

鬱鬱誰堪此我心亦欲東龍曾混魚服鶴且托鷄籠圓缺桂
輪月迴環花信風年華不可假那復計編蓬
不盡浮雲意飄然信所之古人安可作逝者本如斯鴻爪三
生案蕉心一卷詩鷓鴣欣有託豈必最高枝

和任處泉太史快閣

好景何曾費一錢悠然坐對劇安便耽棋不放僧歸寺載酒
頻聞客繫船鴻雁微微沉遠浦鷓鴣拍拍破蒼烟無端野老
通情話閒指東西陌與阡

劉

清字袿塵山陰諸生著墨池詩集

越風墨池續學敦行有聲庠序教授龍尾山最久沒後
家貧子幼無以爲入土計族人柳村昆弟爲浮屠於郁
家密

偶書

愁是秋所成經春偏愈劇耿耿有物存驅之寡奇策雖或聽
流泉泉聲更悽激思欲凌風翔而不生羽翼庶幾學神仙聊
用展胸臆

神仙則謂予君計胡太迂鑑瑣頗偃蹇玉京亦崎嶇三萬六
千日疾於箭脫弧鍊汞事丹砂幾人得其珠鳥伸而熊經徒
自瘁厥軀

沈

紀字含樞山陰諸生

青化山仙壇次韻

翠微深處隱仙宮犬吠雞鳴杳渺中樹密不知當午正峰高
而欲與天通室涵嵐氣虛生白壇繞琪花碎落紅傳說青蛇
飛劍器夜深鸞鶴繞長空

吳尊周

字洛宗號墨堂山陰諸生著則清軒集

紀寒行

世言南雪不到地北方候正南方殊今冬盛寒突過北北皆
沙土南有湖湖水千尺凍徹底一雪十日從來無雪氣橫壓
凍不解上天下地成冰壺平街堆雪若邱壠行人跋蹙沒半
軀貧家無米安得食出門負販兼屠沽短衣百結及麕膝敝
袴千粟生肌膚今朝諸物不入市束手何計慰妻孥破屋滲
漏爨烟滅竈間啼煞張口雛大河凍盡港亦塞漁舟三兩膠
菰蒲尾梢恍惚石撐住長波萬里琉璃鋪敲冰前開復後合
打面如彈皆冰珠水陸路絕接瑤海廬舍冷落封荒厨雙扉
扃塞窗補紙尖風發乘其虛櫺窗圓潔掛晶箔餘絲浙慙
垂銀鬚屋頭不勝千斛水橫棟一折誰攬扶欲避不避忽自
笑偃僂體如拳拘唾餘到地輒擊碎鼻觀伸縮氣欲枯幾

回苦吟不得句十指捉筆紅蕚粗夜來燒燈光陰晦時聞雞
犬聲悲鳴來朝羃雲蕩盡呈陽烏頓令窮檐寒窘爲春都

徐

頤字正長山陰諸生

秋夜歸白臨浦

極浦炊烟落村家正掩扉暗潮和月上獨鳥帶春歸夜靜千
山碧秋雲一葉飛利名聲外事意得卽忘機

由丹徒壩過揚子江

放眼烟雲外金焦兩點秋長波同陣馬吾道只虛舟蜃氣黏
天角蛟風撼樹頭願將帆半面著意趁浮鷗

婁元豹

字斯聞號小梅山陰優貢生

越風小梅弱冠卽以詩文爲錢塘孫虛船激賞郡守重
之延入賓座後爲學使舉優升太學未及入都而歿

懷顧有南

夜夜桑鳩叫月明初寒天氣晚來晴遠鐘似帶暮潮上野樹
倒含秋水清荒逕幾曾邀舊雨菊花又見發新英勞君一別
真如歲約畧瓜期幾度更

初春東潘丈藻如

耄年猶復滯夷門古調時高道益尊十里鶯花新雨露數家
桑柘舊雞豚避賢賸有文千軸中聖頻看酒滿樽爲問禾中
諸老彥絳紗弟子幾人存

秋後菊

黃金全不稱幽姿逐冷欺霜亦自宜欲采正逢山色好後凋
寧待歲寒知葉沾土繡香猶在花帶霜威豔更奇不是秋英
偏耐久野人只合老東籬

金士芳

字价人號南湖山陰諸生著菊園詩鈔

劉文蔚菊園詩序畧曰菊園工於文尤工於詩其導甫杏村先生耽吟咏藏書之富甲於鄉里菊園世其家學沈酣於經籍中而謀生術拙家况蕭條晏如也

春江

春江一帶水潏洄桃李爭春逐岸開惆悵東風殘照裏釣魚船載落花回

金又坡

字竹孫山陰諸生著畱雲草

越風竹孫好奇而詩却平易近人圭泉中晚多韶秀可觀

送友西行

春草滿江汀飛花度鵲鴿片帆生夜雨茆屋帶春星天入三秦白雲開二華青土風多慳岳過客不堪聽

少年

少年遊俠五陵豪意氣如雲耀錦袍寒鎖重樓封豆蔻春回

別館醉葡萄慣拋金彈飛黃捷學舞龍泉太白高行樂及時
須秉燭朱門臺榭易蓬蒿

姚大源

字雨方山陰諸生著芝卿詩鈔

箬篲山石壁

石壁穿雲表巉巖列翠屏蜀丁開剩險仙掌削餘青虛洞嵐
光滿寒峯雨意靈兩崖中斷處容我立茅亭

茅津渡

浮梁沈鐵鎖兩壁俯空津石裂痕思禹沙崩路入秦破霜尋
渡口乘潮轉河脣不及東流水爭先到海濱

吳尊舉

字虞士號孫川山陰諸生著孫川詩草

遊南峯山

一徑入深竹雙扉開薜蘿桃花虛有洞溪水靜無波勝事畱

殘碣芳游託浩歌古靈祠不見遺愛復如何

鳴琴行

宓子昔鳴琴單父卽就理豈徒尙清靜一無所事使子嘗學
操縵頗得其所以大絃爲民上小絃爲赤子大寬小乃安上
急下輒死是以柄政人一張復一弛非惟官與民相治戒偏
倚不和起爭訟不足成奸宄官商有哀樂聲響視厥旨治世
少乖音惟和斯喜起春風偏宇宙南面亦本此虞庭奏五絃
風動周崖浹爰作鳴琴行用以歌樂只

劉

燃字虔丙號小村山陰諸生著心遠樓詩集

宗聖垣曰小村原名傅鉞實意先生
採詩時尙未入泮後改今名入郡庠

鶴聲

東皋秋氣肅元鶴戛然鳴夜半露初冷江長風更清翩翩橫

月影一一上天聲借問黃樓客何如子晉笙

遊天章寺

一路松陰轉鐘聲隔樹聽繫驢投古刹挈榼扣禪扃竹粉粘
衣綠嵐光潑眼青更尋修禊處觴詠續蘭亭

王大治

字又新號倍園山陰監生著浴鳧堂稿

越風倍園年前總角卽工吟咏古今各體俱清麗可誦

二樹山人自汴寫梅見寄歌以謝之

山人飛入瓊瑤島前身自任華光老知君遠從汴水歸寄我
一縑春色好我生十九尙童卽緣慳未識山人面今從素翰
想丰裁愔恍迷離夢中見明軒玩畫兼讀詩冰神玉骨清且
奇遙憐潑墨光如電頃刻千株萬株變孤山一角秋月明浮
香倒影寒潭清草莽淳化隸追古天花亂散龍女舞白雲引

入小陀羅化作珠林佛國樹山人汗漫稱好遊三年芳跡留
中州琳琅應滿洛陽紙蒼龍健鶻紛糾繆故山抱影曾有瀝
打窗風雨侵圖書梅花零落苦無主雪中空復香扶疎何時
歸信早爲卜一帆遠掛江蒲綠南枝北枝相向開日日春風
坐茅屋

芳草渡夜泊有懷

芳草又成夢孤鐙寒轉親鐘鳴知近曉葉響有行人載筆懷
今雨攀條是舊春江湖仍萬里鷗鳥足閒身

懷人詩

南塘老居士矍鑠地行仙手揭蘭亭帖心追誓墓篇鵝鵠依
晚照桑柘戀餘年古屋龍山下婆娑樹影圓

沈二丈南塘

西園風日麗舊社主鷗盟當戶松鱗老經秋鶴骨清相逢新

竹下正好晚霞明，剩有雙青眼。殷勤視後生，對五丈相亭

廿載一扁舟。歸來雪滿頭。水花春繞屋，山翠晚當樓。洗研圖

三峽挑鐙話，九秋蕭然乘逸興。吟向白蘋洲，吳三丈水雲

山城聯九曲。春柳綠陰繁。古澗但浮墨，閒雲時到門。夢餘花

氣靜，客散鳥聲喧。風雨挑鐙夜，新編仔細論。宗三芥巖

登北高峰

筍石千尋插紫霄，歸雲面面轉山椒。煙籠鷺嶺三分月，樹映

胥江一縷潮。花塢細聞鶯舌巧，畫屏不藉鼠鬚描。春光收拾

雨中聞鶯

濛濛小雨颺芳塵，曉曉枝頭似送春。漫向隔花頻破舌，碧紗

中有曉眠人。

周大榜

字虎木號珠士山陰優貢生大樞弟著浮峯詩草

蔡英曰珠士四六學陳檢討曾見其五十自序委曲干言古詩排宕使氣商賈意稱其滔滔旧旧百折不窮如張素作書脚蹙手抹墨汁淋漓幾莫辨其起止律亦規撫中晚時發清音不愧作者

梅花篇答童二樹贈畫梅花

我昔過君梅花屋見君畫梅裁大幅剡溪好硯無點埃須與
千朵萬朵開筆勾墨搶堆瑤粉肺腑沁入寒香來生平素心
欣對此故人絕與梅花似門前車馬客到無遮渠大嚼蒸葫
蘆祇以生涯謀冷淡天然骨格撐清癯洪爐冶鐵爲心兩崑
岡削玉爲肌膚形影原從借處借二樹夢中有梅花借我影句因字借楚作借菴圖
性情因之吾見吾君云十客圖何有梅花萬幅詩萬首有畫
萬幅之約古能畫者花光僧形似則然神似否世外佳人
影裏身座中才子神來手色香臭味無勿俱精神意態與之

久歸來有鶴伴吟魂夢去誰開索笑口以此畀余好事者三
分明月一杯酒長把梅花呼老友

金山晚眺

緣梯千百級烟樹劃然開海氣秋蒸雨江聲夜走雷蛟龍蟠
古洞星斗錯高臺故國蒼茫處長空一雁來

遊攝山和韻

棲霞嶺外遞疎鐘偶啓禪扉叩六通秋老山容多慘淡客來
塵慮盡消融齊梁碑碣荒苔裏吳楚風烟落照中一曲文峯
從唱和雅懷直與古人同

已識泉聲緣石罅更聞鶴語下空林露臺月館披肩鬬翠巖
香巖駐宿陰把酒黃花知節換隔江紅樹覺秋深登高倍勝
龍山會一寫風前瀟酒襟

莫愁湖

盧家門巷最清幽轉爲愁多字莫愁不信但看湖上月年年

蕭瑟荻花秋

葉心傳

字季九號古存山陰諸生著鏡湖亭詩草

臨江宅

江上青山十二峯碧流還繞舊儒宮詞埋斷塹紅蘭沒琴去
荒臺白雪空寂寂雲歸神女夢蕭蕭木落大王風
疎茅縱有庾開府總在鄉人指點中

姚念祖

字三山陰諸生

放翁書巢懷古

三朝名勝詩人任策杖下漚亭畔去故老猶能說大蓬指點
西村讀書處先生豪放真仙才鑑水船從萬里迴龜堂紙帳

號漁隱蠟屐踏破青苔遺書大澤滄桑變落日寒鴉啼古
岸百年兵燹暗消磨斷碑零落雲成片書巢名爲烟霞守方
島賀園同不朽枯根翳石叢蘿荒曾對梅花飲春酒詩成萬
首誰堪續遺編字字堆珠玉秋風明月夜深時束書試和南
塘曲

落葉

秋光零落散清陰酣戰西風力不禁金井露零飄語碎玉關
人去馬蹄深驚殘短夢回孤枕撩起新愁擁翠衾哀響此時
難白遺斷腸何處送寒砧

施大綱

字亦嵩號曼坪會稽人官
魯山典史著曼坪詩草

卜居

卜居最好鑑湖西左枕層巒右抱溪夾岸野花隨處發四時

山鳥傍簷啼晨昏娛我吟如癖風雨留賓醉似泥懶性正宜
城市遠不須更羨借枝棲

劉積慶

字靜菴會稽諸生

花朝

桤舟簫鼓逐香塵收拾橫塘一路春落拓騷人差省事鱗魚
薺菜薦花神

暮春舟行

桔槔亭子枕平池紆折江皋客過遲一路腥風吹未散打魚
船去不多時

王國浩

字師蒼蕭山諸生

治圃卽事

搢搢守園人日涉不離處斷壺九月間歡然對兒女當肉供

晚餐收拾枯藤煮荷鋤歸南山花影扶人去

魯秋塍見過

閒居得睡力剝啄啟柴局麥熟連燈巷茶香透紙屏半生希
白社三日誦黃庭擬上芙蓉石看烟九點青

和徐笠山村居韻

一水環村落春田早麥齊平池關竹柵矮屋倚桑梯捲箔分
蠶火穿帷落燕泥前林初雨歇屐印小橋西

鄭琨

字蘊輝號少白蕭山監生著睡堂詩鈔

蔡英曰睡堂幼印工詩慕李太白為人因號少白弱冠為諸生其舅王謀文官山右招之赴署時梁文定公為黃寧道少自得受業門下與沈清藻洪朴諸君遊嘗作梅花賦文定賞之手書一通付焉後北閣報罷會舅氏去官睡堂故善病至是家居轉轉死生平詩極多皆機乘存睡堂詩集一卷予為序而傳之

次臘沈十七

清藻

以詩見寄春來未有以報郵中復枉

手詠次韻奉酬

雪中驛使墨翻瀾顛倒春來幾度看
每一相思嗟遠道慣遲
作答爲長安文章我已拚焚硯
兄弟君今有握蘭最是東風
易惆悵鶯花如此獨憑欄

郭有道祠堂

清妙堂深幾度過道風百代被西河
神龍潛隱耽滄海威鳳
高翔避網羅世上碑銘無愧少
墓門芳草至今多吾家谷口
分書好獨對斜陽重撫摩

柳州太守傅文

克飲

內艱歸問訪舊來越喜而有作

星輅何幸遠相過十載流光歎逝波
學問甚慚新得少結交
頗喜老蒼多懷中藏帖分蕉荔

太守以羅池廟碑見貽

門下談詩廢蓼

莢聚散升沈意根觸簪花細雨重婆娑

王

普字杜洲蕭山諸生著詩衡

靈隱寺

龍宮高鎖尚巍巍門對江湖跡已非
斜日鐘傳深院飯諸天雲護老僧衣
禪心止處泉皆冷色相空時石解飛
回首舞裊歌板底六橋車馬此間稀

王

瑩字秉堅蕭山戴貢生著龍池草

雨中宿清芬草堂聞咏

草堂寂靜盡垂簾寒雨斜飛入畫檐
客到遽移爐共煖談深不惜酒頻添
篆煙裊裊烏皮几書架重重白玉籤
曉起欲行村口望黑雲堆滿亂山尖

洪

楠字端樞號雲厓餘姚人官南河都承

姚江詩存君風賢端擬官積表以廉潔聞尤長于詩傳
玉筍先生刻其詩雅得其賢三昧全稿遺逸從殘簡中

探錄數首畧
見梗槩云

過羊躡嶺

岩堯峻嶺倚蒼穹危徑還從絕頂通紅日低升林薄外白雲
深護石岩中人如倒蟻身粘壁馬似驚猿足墮空安得高飛
同次仲冷然雙鬪駕長風

吳

江

字流中號玉楞餘姓
諸生著綺園吟草

感懷用梅邨先生揚州韻

愁聽深宵錦瑟弦半環金魄影娟娟南徐賓客珍珠履北岳
風驅書畫船殘柳殘花寒百五佳山佳水夢三千疎寮獨自
成淒絕紫菊霜螯又一年

樊耀碧

字鍾南號中
澤餘姚諸生

姓江詩存中澤性孤峭不與俗諧癡于詩年幾月涼有
賈問仙之風年僅四十以貧病卒先一日出一編付余

入選至今讀之
不禁故人之感

西冷夜泊

中宵方繫纜秋氣一江橫隔水月初上到船鐘更清荒雞催
客夢急柝下高城欹枕那能寐淒然感旅情

過田家

出郭疑無路村迴又一村曲溪斜抱屋獨樹老當門魚稻豐
年足壺觴古道存野翁常款客深話到黃昏

謝匡瀚

字寒澄餘姚歲貢
生著夢庭遺稿

姚江詩存寒澄諸小歌
雅而不淫清而不緇其原本從風雅來

惜儂歌

莫展龍鬚席莫抽玳瑁簪秋花不結子辛苦佩宜男
燈花帘夜紅郎心有何喜儂倦絮沾泥春風吹不起

春日雜題

廿年心事半關珊，鄰曲清筇日夜彈。
海燕不知人意緒，自穿花影話輕寒。

晴煙籠柳髮，穆穆人向春光取。
次探纔是清明，一百五又添櫻筍到江南。

韓

法字頂鵲號靜崖係姚監生著瑤華書屋詩草

落花

依舊烟蘿護，華門紅稀離覓杏花村。
平粘弱絮隨萍影飛上春衫，醉酒痕細草池塘鶯獨鳴。
夕陽樓閣客消魂，新亭詩社分題少，誰與幽人共曉昏。

錢登俊

字舍南上虞人官通判著征途壁稿

酬左懷陶見寄原韻

買山吾願尚難酬
浪迹休誇徧五侯
出塞久拚騎馬險
捉刀還覺對人羞
賈生半世空流涕
顏驥三朝欲白頭
慚愧平安

杜書記十年花夢醉揚州

周廷弼 字若曼號西屏臨海人著鼓月齋詩文集

陳輝曰西屏博學強記書一過終身不忘嘗在徽客汪樹璣處與葉孝廉席仁圃侯左丞葵門羅明經索袍徵浮石萬蒲故事西屏應詔江淹李自張籍陸衡等舊詩十餘首朱超陰經崔仲芳李嶠等浮石六七首序頌歌賦又數篇衆問答有台吟對題者手曰有但見不廣耳如江淹與宋石上草得以駢餘顏此合誦也蘇轍問浮題也衆皆歎服

登高

九日登高處巖壑素心看
僧隱紅樹招客坐晴陰雲逐迴
風轉秋從暮雨深
到來竹林下屈指數歸禽

王 詩 黃 巖 集

陳焯曰駟一爲人長身鶴立博通載籍善清談每發一言舉座傾倒惜詩名三十年

索賦菊仙畫意趣閒逸受畫法於樵石和尚多閨前輩

墨蹟工山水兼善花鳥棋酒之暇聊以自娛不輕爲人作故流傳絕少

綠樹濃陰拂嶺雲穿林野鹿兩三羣老僧對坐幽巖畔一局

閒碁聲不聞

漫空雪色遍山郊策蹇尋詩古嶺坳解事奚童知得句笑看

凍鵲踏梅梢

胡作肅

字紫士號卓亭天台拔貢生官石港場大使著秋水閣詩集

陳焯曰卓亭才思清逸與息園齊侍郎同時同里而詩名不爲所掩尤工長短句在揚州日每自度爲新聲付雪兒歌之風致不減王茗主人也

造悶

經時未理出城遊長雨闌風水閣頭生也有涯無奈病悲哉

兩折翰軒錄

卷五

周廷弼王詩胡作肅

七

爲氣不勝秋閒凭曲檻看歸鷺倦倚繩牀駭國牛已是題僊
佳節近倩誰高處共登樓

陳世榜

字作源號芸浦
天台拔貢生

己巳都中與周泊莊小集

我聞坡公言人生如飛鳥豪情動江湖俠遊思燕趙屢著祖
生鞭再獻卞和寶悠悠河北塵慙慙畿南道槐市月正明橋
門花自好雅負邱壑心未忘弧矢兆舊雨仍團樂清風何繚
繞坐對無溝渠同心在紆綯聯吟綽歡娛感事嗟潦倒分瓊
筍益堅割席氣何小生平慕阮嵇此日見管鮑所喜玉成多
豈慮知遇少得君新遠至舒我舊懷抱雪後燭影紅傾樽同
浩浩

陳經濟

字翰生
寧海人

黃壇道中

晚步蕭蕭對落暉前邨暮色半紛霏雲屯北寺疎鐘遠雨歇
南山瀑布飛一路野梅都白盡數株官柳見青歸郵亭有酒
招余醉嬾叩禪關上翠微

吳洪濤

字乘先一字海霞東陽諸生

飛橋

卽方岩棧道

拳石撐空起巖橋傍日開壁傾人跡絕雲靜鳥歸來地脉滋
春雨天門躡晚雷寧知烟樹裏別有讀書臺

讀書處

周蓮

字子芳號芝亭東陽諸生

戴邵曰東陽玉山鄉距城二百里周氏世居子芳延名
帥以課子孫有聲庠序孫顯訓乙酉拔貢龍泉教諭
內人問生死事作此喻之

劫塵四萬八千裏一刻何從論生死死只如睡生如醒醒時却比睡時靈世人不知徒惜惜要以生資供死用試問匡牀夢裏人朱鳥莊蝶揚雄鳳惘然忘却醒時身死是大夢生亦夢

徐

英

字達臣號崖溪東陽恩貢生

陳焯曰崖溪工詩善畫和藹有餘對之雖荒
而忘年八十餘選授雲和教諭未赴而卒

咏梅

歲寒天外想花魂幾樹疎疎隔遠村風雪壓枝偏耐冷雲烟
糝萼半畱痕獨將瘦骨回元化時有清香護草門流水空山
閒自在許儂結契共朝昏

樓步蟾

字馳文一字月溪義烏人著月溪集咏

聞雁有作

雁來知幾時忽復聞北向獨坐惜流年懸燈默惆悵特立古
所難寡識俗焉尚但爭鷄鶩食奚愜鯢鵬望烟江倚棹歌雲
山狎樵唱擊劍夜方深銜林月東上

吳彭年

字企錢義
烏貢生

鹿田寺廢址

惟存
半榻

當時毛女耕田處瑤草萱花蔚琪樹山開白石騎鶴來地墾
青精鞭鹿去故剝嵬然蹟已空頽垣破壁嘯秋蛩寸土荒涼
耕不得爾與來人好種松

李克孚

字駿若一字鶴
溪義烏諸生

樓上肩曰義鳥詩大半皆蒼涼質
健鶴溪獨出以瀟灑間邇釋悅

短歌

火中恣揚禽冰底潛食鼠自謂透炎涼人得織毛羽山有無

心雲天有無聲電於此獨置身爲狂亦爲狷夷惠風清和
然羞鄉愿無絃太古琴有血國士劍不用亦不試天下誰
怨

霽溪行

飛瀑鳴湍激山麓三里五里繚而曲板橋窄懸防欹傾石磴
崎嶇教澀縮中有兩樹花嫣紅映水映人燒暮空落葉片片
逐流水路疑遙與桃源通客子南來緣未了浪跡浮踪頻假
道青衫度嶺飛片雲蠟屐沾溪惜芳草途窮跡絕空亭閒幾
人肯與松盤桓此亭雖佳勿徒戀醉枕石頭起長嘆

王晉纘

字月邨義烏黃真生著月邨稿六卷

歸自雙龍洞宿方厚九家詰旦起留別

神仙不我挾飛步特誰授卓哉方氏子岩閣局清秋遣僕笑

迎門款我山之幽酌酒北窗下淵然獨神謀水簾捲竹榻山
骨撐楓樓依然洞中水繞我門前流可以暢厥情負然憂鳴
璆旦起賦歸來陂陀幾經邱只見下山路却憶登山遊徘徊
憩孤樹蕭條睇遐陬呼到重重雲問汝藏山由挹袂得毋悵
樓心緬靈修

樓廷廣

字黼侯一字健
菴義烏諸生

遊鹿田從王鶴潭夫子作

瑤姬本天人跨鹿山之隅攀芳掇瑤草緬焉躡輕軀墾田妙
植玉松蘿蔚前途翠雲輓以鹿桑摘秦羅敷去兮億斯年發
石猶瑾瑜夫子賢豪流義不丹藥愚興到適其適渺與天爲
徒咄彼學仙人私義徒區區

張以本

字道生浦江恩貢
生著石泉詩稿

兩浙輟軒錄

卷二十九

王君續樓廷廣張以本

七

潮音洞

幽幽仄徑躋孤篁粒粟無多世界藏
倒插一峯當道石推開半壁臥雲房
裴衣籠得雲歸白煮茗燒殘葉落黃
莫怪買山支遁僻飯依我亦戀禪牀

張

隣字漢臣一字雲軒浦江諸生著雲軒詩草

山邨訪舊

羣峰忽飛鳳此處掩柴門
山密原無地雲開忽有邨
亂流趨絕壑落日滿平原
方信塵寰外幽懷可細論

邵志晉

字梅嶼常山諸生著理情集

衆承同懷集序畧曰踰錢唐湖富春而上爲諸山之竊
面常山最巨其上流余所歷黃岡球川芙蓉趙公巖皆
絕頂竒怪而龍山尤秀出余至常山得邵梅嶼又從梅
性愛山水尤留心於龍山故其詩之秀彷彿焉

丁仙閣

紫陽宮倚浙江隈，巖石玲瓏雙洞開。
人是當年騎鶴去，閣從何地挾峰來。
藥池丹竈踪如在，流水行雲夢不回。
我厭塵凡思換骨，君當赤脚下蓬萊。

高

國

字觀上永嘉諸生

同友人登泉山過五美園借宿

山花如雪落紛紛，山鳥如歌處處聞。
深谷初過三日雨，遊人已入萬重雲。
遮天樹影依岡合，到澗泉聲觸石分。
因過上方還借宿，晚來一飯煮溪芹。

旅夜寄懷諸同遊

白雲紅樹滿汀洲，風景淒涼近晚秋。
爲客偏逢連月雨，懷人獨倚異鄉樓。
十年舊事隨流水，五夜輕寒上敝裘。
早晚扁舟

兩湖輟車金
作歸計菊殘時節會同遊

馬

浩字遵素永嘉祐貢生

除夕

終日倥傯忽除一燈兀坐意何如病無妙藥惟除酒窮到
空囊只著書冀葉堦前應盡落梅花檻外已先舒莫愁此夕
寒更永瞬息春風滿敝廬

張顯謨

字毓文號東山永嘉附貢生

遊雁蕩

巨靈一怒扶氣母元精紛綸蕩真魄剗然神斧落天門百二
奇峯向空擲擲空飛下東海東插地杲杲青芙蓉剩石亂蒐
蹲虎豹奔泉難縛生蛟龍高標日月時礙行天柱不復東南
傾紆迴瓊海三千島縹緲瑤京十二城峯峯異形怪莫狀真

幸不惜露心匠始信一生看不足縱云五岳尊弗讓君不見
子房遇黃石功成遊赤松季真乞鑑湖扁舟來越東我生願
得雁蕩爲家山冀我縹緲飛樓間

陳之恕

字道源永嘉人
生著相園雜咏

春日感懷

今古人如新舊年放開詩眼自陶然梅香噴處拈花笑夢境
情來共鶴眠差喜諸生供硯稅敢誇一得是薪傳雲汀雪爪
知何定聊繫蘆根自在船

趙

吧

樂清諸生
著中和集

題柏舟清咏集爲陳母鄭夫人賦

瑤臺冰雪黯寒雲嗚咽星霜不忍聞春樹啼鵲殘血冷畫梁
乳燕夕陽暝和丸婆緹聲初歇剪燭嬌幃夜未分泉穴餘生

何足惜從容九地可逢君

丁榮基

字光玉號安亭松陽諸生

卯山訪葉真人舊蹟

仙蹤縹緲去難還此地空留臺榭閒
點易亭高風露冷集真堂古竹松環池分清濁通泉碧石列縱橫試劍斑何日次竿
飛鶴至使應問道上名山

度桃花嶺

我來桃花嶺正值桃花時一株兩株古洞口以此得名千載
垂晴霞十里絢奇彩當時花發原如海此日空餘舊日名種
桃道士今安在春風三月烟林青玉虹天矯環孤亭夾路好
鳥啼不住空向行人喚夢醒枯蒼東望蒼雲積翠微不與仙
郎隔誰問姓氏照千春刻上桃花一片石

沈濟燾

字心恭號在川仁和人乾隆丙辰舉人官石門訓導著有雜餘草它山蟲語隱學軒集趣等集

讀水經注

呂氏春秋曰昔戎夷違齊如魯天大寒而後門宿于郭門外寒愈甚謂弟子曰子與我衣我活我與子衣子活我國士也爲天下惜子不肖人不足愛弟子曰不肖人烏能與國士并衣哉戎嘆曰不濟夫解衣與弟子半夜而死

渭不自鳴清涇豈甘居濁薰若炫其旁何異藺之惡凜烈夜增寒師弟郭門宿胡然人已間頓令殊厚薄致死分所宜授衣情未篤殺人以惜身國士何不淑國士何不淑寒威應更酷

陰陵縣多虎百姓苦之南陽宋均爲守退貪殘進忠

良虎悉東渡江

一作宗均

虎兮虎兮食我田豕毋傷我民八蜡爾祀 守兮守兮毋吐
與茹進退不違我將去汝 守兮虎兮貪殘一兮守實招之
誰與恤兮 虎兮守兮仁暴殊兮寧曰異類莫與孚兮 陰
陵有虎宋均驅之何以驅之賢奸其區之 陰陵無虎下民
樂之凡百君子災祲爾度之

郇縣民姚精者爲叛夷所殺掠其二女二女見夢其
兄當以明日自沈江中喪後日當至可伺候之果如
所夢得二女之尸于水郡縣表異焉

之志不可虧之體不可虧之生不可虧之死不可虧吾父何
見殺孱弱實相羈吾兄幸生全敢不惜吾屍精誠通寤寐喪
至如前期湯湯郇江水跡並首陽奇豈欲博表異庶使無遺

耀生民迭治亂兵燹痛瘡痍死者不可作生者多委蛇志節
仗男子孰與校峨眉二女挺高風千載愜人思不識偷生者
何以對殘碑

胡邦盛

字紹儀一字晴峯湯溪人乾隆丙辰進士官貴東道著晴峯稿

胡煒墓志畧曰公在官垂四十年署中不踰十人專以潔已愛民爲務在陽城時諸生田耀鳳事白其冤取入書院給膏火嗣領鄉薦試士得王炳然憫其孤露引入署親爲課讀爲同考試官者九咸稱得人

清明前二日雨歇至湖上

乘霽鳴雙屐湖光染碧岑花因經雨淡柳漸帶烟深杯影浮
山色鶯聲醉客心明朝寒食節難卜是晴陰

郭瑞齡

字孟營號東山金華人蘭谿籍乾隆丙辰舉人官嘉善教諭

止酒

老翁今年六十七生平頗有劉伶癖學書學劍兩無成博得

寒氈分半席官卑職散俸無多
苜蓿將來換三白晨朝一壺
晚千鍾醉倒荷騰百憂釋家有四男十一孫不耕不讀賴生
息啼飢號寒關我心日日相看費擘畫那知藉酒以銷愁酒
結成痂貯胸臆恍然自悟酒無功愁不能銷病來迫因之止
酒保我軀善釀何須說儀狄譬若避俗去逃禪又似伏虎化
爲石苦茶七椀學盧仝兩腋生風雙眼碧偶然宴賞來嘉賓
願友知心莫相逼中賢中聖自有人賭勝歡場甘敗北可憐
猶是東山子前後一身如世隔爲我寄語王無功醉鄉可游
不可溺

祝

淦

原名游龍宇貽孫號人齋海寧人
乾隆丙辰舉人著日新書屋稿

命寶華曰祝淦喪父年四歲母吳氏取數字課之每課
必首舉人字日人須是頂天立地淦感動遂自號人齋
送豫堂家孟歸省

勁霜嚴臘正殘天涯兄弟別離難高堂夢近歸期晚雁陣
聲驚客路寒一紙家書心惓惓時聞叔母病信三更茅店夜漫漫圍
梅有信傳應早花發人歸一勸餐

過清溪洞

古洞幽深別有天長途小憩亦悠然溪流活潑源頭水佛座
參差世外緣鍾乳無聲垂玉笋丹崖有色綻金蓮是真是幻
渾難據洗却塵煩更着鞭

王秉和

字公泰會稽人乾隆丙辰進士由庶
吉士官衡永郴桂道降登州同知

次韻答陶石湖

無復今生望賜環虛傳霧豹見微斑景行蓮沼愁中色逸少
蘭亭夢裏山半嶺雲霞畱我住一編詩卷待君刪休嗟暮景
蹉跎過幸得名存巖壑間

薛尚英字明卿金華人乾隆丙辰武進士官贛州都司

落花

風雨連綿怨昨宵
頓教亭角亂紅飄
滿園碧樹空相憶
一段香魂不可招
墜粉粧樓驚蝶夢
斷霞煙渚隔虹橋
那堪回首章臺路
獨坐窗前歎寂寥

吳世英

字緒昌號嘉樹錢唐人乾隆戊午解元

吳穎芳傳畧曰先生居仁和嘉樹里人稱嘉樹先生少能文日可三數藝以不得事父每晨起取父所輯春秋傳跪讀一卷始及他書家貧無書放假得六經出家居課鈔誦試輒第一發解三上春官破放遂不復出家居膝下徒大江南北士執贄者腐至先生侍母終身不離膝下母卒服除或勸先生仕嘆曰得官以榮親也今母已卒吾又何求晚年自放於酒嘗極飲大醉宛轉悲歌為思母吟聞者酸鼻

丁家山展墓晚歸

山靄清暉落照斜
歸邊回首望丁家
霜丹柏葉悲風木
露冷

蓮芳感歲華對策白慚虛一鶚閉門聊復畫雙鴉只期杖履
娛遲暮丙舍躬耕願尚奢

邵

顥

字相文號相圃永嘉人乾隆戊午舉人官石門教諭

童惠成內弟以不試南宮見訊次韻奉答

上林春色晚蒼蒼有客憑欄憶故鄉可是泥塗甘蠹屈非關
雲路阻龍驤燕臺走馬人悲壯雁塔書名事渺茫麾日魯陽
心尚在花前聊且醉餘觴

祝咸叙

字仕功海寧人乾隆辛酉舉人

王子統傳招飲園中看花作詩酬之

迴廊曲檻路縈紆占得平昌絕勝區花放一庭長爛漫軒開
四面任喧呼安排茶竈同棋局伴侶詩僧及酒徒自古園林
須借景此間山水未全殊

陳士琬字懷珍號月出錢塘籍仁和人乾隆辛酉舉人海鹽學教諭著有月出偶存

孝女行爲覺羅八姑賦

翩然南飛雁嘹唳不成行迴翔顧其母羽翼徒摧傷遼西有
好女翠葆雙明璫自言 皇家子生世出承明我幾金張第
奕奕有輝光阿母太夫人阿父春官卿阿兄使持節麾蓋何
煌煌十三調綠綺十四裁紅綳十五弄柔翰能讀孝經章銀
瓶汲深井生小未康強塵埃一吹墮襁褓胡不令妍姍少定
態憔悴生姬姜蓬蔭卒不殄婉孌能相傾自我遭茲疾何以
拜姑嫜願得慈母憐不受俗眼驚逡巡向阿母聽兒理中腸
母生諸伯姊各各自頡頏燕燕維西東有母獨徬徨念兒徒
區區不願承簪篋背有好女子名爲北宮嬰自此青溪姑居
處本無郎兒今脫纓珮易兒舊時裝嫠嫠背背父辛苦今隨

兄替孃晨理髮願孃晚加緦兒勝衆女子兒有平生妙藥繫御
史綬肅肅中丞旌十年從江左經歲闔閭城車駕昨南來下
詔褒且揚昇汝東西溯徙汝節錢唐阿母千里來有妹相扶
將願兒勿內顧高堂況壽康句吳實都會四海方昇平左湖
右閩嶠大吏修封疆努力奉當官家世本天潢明時百務理
官閑日以清爾進百歲酒我侑千金觴歡樂云已極儵忽悲
風翔兒生廿八歲拉脅奈支當願母南山壽牽母越羅裳幼
小未離兄涕泪何披猖兒生幸未字兒命胡不長兒歸獨安
依歸兒耐爺旁惻惻慈母意哽咽不成聲阿兄送汝行徒跣
涉郊岡其日天爲冰野雀繞榆枋幽燐寄淺草夜夜啼魑魅
曹娥求死父不恤從父僵惜哉豈不孝母乃軀命收女子重
全歸膚髮貴自防感此後凋意快悵不能忘我作孝女詩永

言崇令名

祝兆星

字表天號次軒海寧人乾隆辛酉舉人官淳安教諭著三多草堂詩鈔

丁酉除夕

七十明朝是生涯一夢中由來忘歲月那復計窮通處世無
懷氏居家不了翁老妻知我意簪勝對春風

許逢辰

字北原海寧人乾隆辛酉舉人官雲南知縣

送子南鍾之尤溪作

老眼看離別人生能幾何傷心今夕短回首暮雲多鴻雁天
邊斷關山馬上過應須懷祖訓壯志莫蹉跎

陳璵

字煥若號雙崖海寧人乾隆甲子舉人官國子學錄著問問草如無室詩草

曉發盈川潭

盈川潭下水沄沄一片征帆曙色分夾岸灘聲初過雨滿天

嵐氣不成雲無邊風景催新句有客篷窗話舊聞自笑如萍

空浪泊此身何日謝塵氛

崔學泗

字慶源號蒙泉海鹽人乾隆丁卯舉人著蒙齋叢稿

蔣德傳畧曰君爲拙存先生仲子四歲就小學十歲九經俱成誦十三補學官弟子學使以君年最少親書扇贈之弱冠食餼旋領鄉薦君博覽書史兼涉獵衆技初因母病購方書究脈理遂精其術且復聚古今葬書扶微闡幽形家罔不折服天性孝友與胞兄學洪自相師友屢試春官不得志偕兄入都得心疾卒子應儒孫熙日皆諸生

照膽臺

深殿借山抱重門臨水開我來尋勝躋高擁漢侯臺心朗照
千古時危仗異才摩挲有遺印靈爽御風回

鍾和梅

字若羹號韻圃海寧人蘭茂兄乾隆戊辰進士官德興知縣

春日郊行用少陵游何將軍山林韻

兩浙輜軒錄

卷二十九

驚許逢嚴師
鍾和梅

天

習習和風扇披襟分外清花香方醉蝶柳暗正藏鶯笋愛田
家味藜分野老羹村翁畱客住乘興且前行

野寺村迎客烹茶汲澗泉花茵堪作席柳絮不成綿嫩草繁
新帶青榆綴古錢幽林傳午磬流水應前川

陳克光

字志潔號雪軒海寧人乾隆庚午舉人著禾禾集

舟中雜詠

一片歸帆望欲無斜陽猶是照平蕪東風吹處黑雲合畫出
遙天水墨圖

遠水連天望渺然清風送客漾晴川扁舟非學鷗夷子身入
煙波境欲僊

草長荒村亂作堆橫橋欲側繞莓苔岸花飄落無人問泛泛
浮鳬自往來

正薺堤邊草色新縱橫田畝接河潯豆花麥葉圍茅舍惟有
村農不負春

平世增

字思穎號訥齋山陰人乾隆壬申中舉人官吉州知州著北遊吳門刻台漢行諸草讀史吟是夢軒集

孫度曰納齋詩格在中晚之間其讀史吟與廢之類了然

秦淮海祠

淮海祠前碧柳垂柳邊鶯啁正春時只言玉局同遭謗不到
青樓也愛詞法界旃檀開土夢沅江香草逐臣思溪山文藻
俱千古杜老荆南亦有師

包旭章

字曉文一字闇齋鄞人乾隆壬申進士官南江知縣

寄廖太史

轉徙滄江值暮春烟光淡沲逐輕塵浮名愧我遲爲宰博雅
如今有幾人二月鶯花思舊侶一宵風雨負良辰何時得慰

南江夢親見林宗折角巾

茹敦和

字三蕉會稽人乾隆甲戌進士官德安府同知贈贊善

蔡英日三蕉先生篤學醇行居官清貞解組後布衣蔬食杜門課子以自娛

贈太學蔣金和六十義行

蒙莊未可付荒唐冷淡春秋已飽嘗不信情隨天地老祇令
心其歲華長蒼松偃石千年蓋瘦鶴橫空五夜霜一卷黃庭
消獨旦爭從肘後覓新方

蔣學鏡

字用照一字蛾野鄞縣人拔之子乾隆甲戌進士官龍南知縣

題倪韭山畫梅

知君家法本雲林小筆蕭疎意自深寫出一枝梅更好惜無
人識歲寒心

邵志謙

字岷雲常山拔貢生官湯溪教諭著競辰山房詩集

陽關

西去陽關天一涯
星羅郡縣屬瓜沙
雕盤絕磧誰傳箭
馬蹴飛霜半作花
幕府仍開唐室制
璫廬已易漢人家
三危山下春光度
大將會聞舊建牙

黃昌瓚

字德器號瑟齋臨海人

擬團扇詞

便面裁輕紈顧影木寒素
微分明月光
幸與薰風遇
懷抱托清塵
秋深忽以斂
不自傷棄捐
所惜年歲暮
長銜篋
寄恩勿遺委霜露

倪大宗

字右菴號鶴亭石門副貢生著鶴亭遺稿

同趙孟蒼登吳山作

京邑歸來感敝裘
吳山高處共登樓
從頭又數九年別
與爾

同消千古愁湖水半搖疎柳碧江雲眞送夕陽秋故鄉舊有
衡茆在且自開樽覓醉侯

祝威章

字懷齋海寧諸生
著夢蓮居詩存

踏車行

朝踏水莫踏水踏折水車旣生趾纔得田間溝水流已看河
底翻成溝東家脫衣質西家持券出三車高田雙車下田只
論有水寧論錢可憐貧家空兩手竟日徘徊復何有有女婉
轉顏勝花傷心忍鬻豪富家賣來賣去苦錢少僱人踏水無
昏曉失時旣田田已枯水滿田溝苗不蘇蠶哭田畔夜哭女
門外徵租來里胥

同素涵上人自赤兔嶺登菩提山

逃禪入山深卓錫偕佛侶窈窕指修嶺崎嶇越敗堵嵐氣四

山來于焉翠成塢仄徑見雉飛林密聞樵語攀援松與藤高
步遽如許回顧山下村蒼煙籠平楚歷歷初遊地遙遙不可
數枕石破苔眠掬泉帶雲茹溪韻激清冷夕陽迷處所誓將
縛茅菴此願當無阻

陳植滋

初名學字典于號東坑海寧廩貢生

舟行阻開同介夫妹婿梅峯四弟兒子觀國鳳盤登岸
閑步

客中且作詩春行渡口維舟趁曉晴日氣煖浮平野濶山光
低撲萬花明我懷南國多烟雨人在東風半醉醒幸得天涯
驛骨肉教兒攜榼聽啼鶯

徐

蘭

字心言號紉修海寧諸生著應吟一卷

初月

微茫秋夜影新月上纖纖半曲林梢掛幾分雲外添刀環愁
有唱河漢澹無嫌而我惜涼意庭空初卷簾

曹

鑑字鏡三一字曲江海寧廩貢生著他山集吟草

秋夜不寐

人靜燈花炮更長雨氣深那堪千里外孤枕此時心濕雁流
哀響秋蟲和苦吟悲秋正蕭瑟鄉夢杳難尋

吳

森字林筠號簫亭石門諸生著簫亭遺稿

贈別陳漁晴

春到江南魂易消送君歸去及花朝泉州烟雨蘇州月好倩

篷窗浣筆描

周鶚薦

字儋鶴仁和人

荅永君

來驅我復依人空負湖山幾度春夜雨孤燈情似鶴秋風
半榻夢如銀厚抄舊物瑣無恙檢點詩編句有神更爲抱栗
呼獃子故交問訊不知貧

齊圖南

字培風號鯤池天台歲貢生召南弟著鳴鶴堂詩稿

陳埴曰鯤池才思清逸詩文古今體兼擅兄弟數人並拔科第而鯤池在浙閩官卷中屢薦不售殆有命焉

謁方正學先生祠

孟氏有遺言浩然塞天地卓哉方先生綱常萬古繫明祖昔
召見早決英偉器命之傅蜀王齋以正學識踐阼及太孫稽
古榮卿貳骨肉麾兵來辱王力難制御溝走倉卒宮社長委
棄先生邦之望折節請廷議奪彼袞冕魄揮以衰絰淚不顧
十族夷肯向五刑悸成王安在哉一語誅篡僞廟祀崇鄉邦
俎豆今勿替乃知大節扶肩驅弗餒氣

兩浙輜軒錄卷二十九

孫嘉駒 字幼魯又字燕谷錢塘諸生

張廷俊曰補谷本徽州人以商籍試於錢塘工詩畫又嘗客台之樂城

柳枝詞

殘月輕圓畫不成
依依渡口送人行
冶遊且莫傷離別
半繫春光半繫情

柔絲作態蘸涼波
碧樹紅闌旖旎多
笑問章臺人去後
近來眉樣又如何

姚德至 字孟誠號惕齋烏程貢生

雨中招諸兄弟賞玉蘭

曉立空庭怯嫩寒
一林香霧白漫漫
弟兄自合銜杯好
風雨尤憐聚首難
小劫闌棋耽晝靜
明燈促坐話更闌
殷勤且縱花前興
九十春光怕易殘

屠

炯字倬雲號亦村仁和詩
生著紅蕖草堂吟稿

九日卽事

一尊拚醉菊花間
閒領秋光獨閉關
却笑故人愁解事
書來曾不約登山

楊景雲

字芸客秀水諸生著

陳兆崙序畧曰芸客以經經緯史之才講求錢月雕雪之句亦復清空流麗畧無沾滯之音真奇才也惜降年不永中壽而沒余每讀其詩爲之垂淚不已因屬頌君樊桐序而藏之以俟采風者
山靜居詩話
溪南精於春秋三傳箋疏不知其工於詩也頌讀其南湖三月詩真如不食人間烟火者

端陽雜咏

紅雲嶼外鷓鴣啼
幾樹甘蕉覆屋低
怪底浴蘭人不見
香風吹過石欄西

夏日卽事

日長我愛泛舟好無數樓臺接遠波新漲野塘蘆葉短夕陽
高柳亂蟬多籜冠草履看山去暑蓋涼篷載酒過正值客心
惆悵處晚風吹出采蓮歌

南湖泛月

駕水揚輕帆掀篷見涼月蕭騷黃葉飛浩蕩白鷗沒隔舫澹
孤燈遙山露一髮漁人湖上歸隱隱清歌發

舟行

寒江一葦傍晴沙激灩平波望遠賒落日暮雲千萬嶼板橋
茅屋兩三家篙師炊黍長烟起漁父牽蓑一桁斜我欲衝寒
渡江去探春消息訪梅花

李

豐

字萊莊號蘭坡
蘭溪諸生

蘇城晚眺

清磬隔林響滄浪生暮烟僧歸黃葉寺雁度碧雲天
霸業餘城郭故宮多墓田夕陽人境外小坐聽鳴泉

擬折楊柳枝曲

別去歡曾約歸期楊柳春年年堤上望不見遠歸人

陳廷訓

字六展號毅堂錢唐人乾隆辛酉舉人

遊皎光用湯西崖少宰韻

磴道盤紆倚石根松杉影裏亂泉喧岩深竹色斜分徑夜靜
濤聲直到門逸興已如鷗浩蕩清遊更擬月黃昏

時訂望白
夜再遊

家詩句畱殘碣時看閒雲護墨痕

胡夢榆

字汝調號青崖錢塘人乾隆戊辰進士官永安知縣候補主事

陳文述曰青崖先生宰永安放縣賑荒惠政甚多

入西江境口占

迢遞西江路相偕此日行民風占愿朴天氣愛晴明舟小容
吾膝溪清濯我纓關心惟白髮夢繞武林城

夜泊瑞洪

淼淼煙波合稀微認遠村殘霞吞白日漁火亂黃昏繫纜鴉
遷樹沾醪犬吠門清秋水漲堤沒舊沙痕

朱麟應

號梧巢秀水人彝尊從曾孫雍正乙卯郡縣以博學薦未與試乾隆庚午舉人著韻藻齋詩詞稿

送王穀原之太平分韻得謝字

風鳴梧葉秋夜靜露華瀉叢生小山桂幽馥入簾乍王郎發
清興率爾攜不借姑溪千里近一櫂指江收青山月將滿采
石帆應卸狂飲緬謫仙高詠追小謝所惜故園侶朋簞待君
研歸期計重九黃菊壓新醪

鈿菜

禦冬謀旨蓄老圃闢坵且雜蔬分畦栽秋菘及時拔泐厥下
種初草際尙鳴蜚土鬆根白沃露潤葉爭茁霜天氣淒緊連
隴刈藁秸菜始塌地肥莖淨不待刷其色旣葱蒨其味更甘
滑藏之壘可斷芼之羹可韻淡泊配鹽豉芳辛屑椒櫟小槽
新釀熟邀賓走短札黃雞紫蟹間野菽置寧愬何況士酸寒
登盤少特殺藿食性所便十饌遇七八不聞窮寒主盡粥咽
僧刹

紡花詞

木棉花白于雪小車巧運似縑絲一縷綿綿抽不絕短檠照
壁冷燄青家家夜紡寒未停朝來拋梭織成布長爲寬衫短
爲袴一身得煖何所須不知世有貂襜褕

夜臥寒甚藉草得煖戲紀以詩

疾風夜勁吹折木霜月滿空寒氣肅禿毫在手已劬寫做組
墜肩豈嫌複殘燈頻剪目易眯孤枕欲眠眉屢頰客中未得
八尺簾強展雙扉設裯褥遂令瘦骨苦木強何異罪人遭笞
梏曉來况復半牀冷兩足鷺拳身蝟縮蓁蓁漏鼓聽漸急反
側轉多愁緒觸曾聞藉草暖于絮試數青錢買三束縱橫厚
擁勝牛衣次第平鋪學蠶簇倒身甘寢得竒趣疑是春陽乍
來復古來達士拙謀生有破清寒同脫粟少陵屋破慣受凍
漫想衾裯抱燕玉我生四十百不就尙守一經哦視北安得
買田負郭居朝出躬耕夜歸讀相隨雞犬共桃源多種桑麻
方杜曲糟牀新注便嘗酒土銍餘溫更炊粥鴻妻弱子老相
保不向客窗愁獨宿

臘月望集水琴山盡堂觀梅

倦客驚時序，寒花破萼新。
香浮疎牖月，暖借曲房春。
紫笑牽鄉夢，聯吟得酒人。
一樽銷寂寞，淺醉任吾真。

衛河八月十四夜行

驚岸回澗水，揚帆獨夜舟。
歸人仍下第，涼節已中秋。
灘轉風聲急，窗搖月影流。
吾生安鈍拙，拙涉險更何求。

湯

聘字莘來號稼堂諸賢人仁和籍乾隆丙辰進士官湖北巡撫著稼堂漫存稿

隨園詩話湯中丞莘來湖上云小橋隔岸時通馬細柳如別不礙鶯徐芷亭方伯荆州云帆梢影帶巫陽雨草樹聲含郭清秋二人不以詩名而風調雨順似中唐

重遊東皋即事呈同遊諸君

春水平隄一艇橫，杏花深處話浮生。
小橋隔岸時通馬，細柳如烟不礙鶯。
誰抱素心輕富貴，我從醉眼識公卿。
莫教風雨間相迫，葉葉枝枝鬪曉晴。

何陳訓字戒平一字守之錢塘人商雲孫玉梁長子

題山陰倪處士數峯歸棹圖

晚峯歷歷指歸程如雪蘆花撲面迎一片秋帆漾秋水不知

中有讀書聲

張白新字叔躬號拙齋昌化人乾隆丁巳進士

張文和一題曰張自新著易經通論四卷極爲

贈雪峯上人

白華叅破勝青蓮妙諦何須訪大顛人老禪關詩境裏寺依

雲竇石龕邊基飛蘇局原無劫譜入陶琴也不絃好拾巢枝

供茗戰夜深重與話當年

柳秉謙字鏡夫一字牧人蘭溪人

樓上層曰牧人教習期滿初發湖南歷署黔陽益陽湘鄉所至賑荒恤貧民感戴之以誌誤罷赴廣西署恭城

及新寧州改永

淳令卒于官

太學石鼓次王文山先生韻

文山講雲廷錢唐人著太學十咏此其一也

戟衛啟重門星羅十鼓存不隨秦火裂定共石經尊點畫魚
維柳沈淪曰在邨諸生欣講解長此壽乾坤

施滄濤

字東嶽鄞人乾隆壬戌進士官紹興府學教授著石雲樓集

夜泊西壩

水逆帆無勢江行湖有權能令千里客畱坐五更天邨樹銜
高月鄰舟起曙烟長年工振舵時到却爭先

秋日重遊鏡花

羣山木落繪秋澄綠護香林竹幾層黃耳曾喚呼酒客白頭
猶認點茶僧一闌韻事花間夢十載遊踪浪裏萍笑指壁間
詩板在却勞重炙上方燈

張

沅字錦川號雲谷錢唐

人著有留雲詩集

蔣炯曰雲谷隱居北郭之方山以詩自娛時仁和談文學潮亦微居東麓築卷阿石室個酬往來有田子藝將

子久之風至今
漁漁能道之

書蓬村老人滑樛指頭見龍圖

我聞宋代陳所翁曾於天上見真龍風雷奮迅破空去指頭
撥刺雷奇踪噴水作霧渺無際潑墨出雲千萬重六百年來
只駒隙斯人妙蹟殊難逢前此僧繇畫最奇後有董羽張天
師精神在筆不在指祇今千載煩相思中間豈曰無作者得
其門者慮或寡譬如凡馬非不具毛骨驍驪未易傾心寫蓬
村老人草太元糝糊塗抹驅雲烟指頭壓落風雨驟神龍頭
角摩蒼天揚鬚露爪翻海波海波騰沸驚蘊隘滄溟側立黑
風捲目光下射明盤渦此翁指法俱堪羨五十年中幾回見

翻覺從前識未真今朝才悉平生面吁嗟乎世人所好似龍
而非真翁何寫真欺世人墨池酒作三江雨陽侯鼓浪海若
舞雲頭錯落神飛颺腕底蛟螭更無數東坡酒氣十指來蓬
村墨神一指取近來刻鵠何紛紛捧心不惜東施苦龍兮龍
今殊未神隱見還憑指屈伸才是視池一勺水轉眼飛騰驚
世人

蔣鍾文

字右黃錢唐人著

陳鴻壽曰右黃先生中年病足日臥白木榻握三寸管
鳴鳴苦吟家人生座不問也時村中杜文學大魁朱文
學巨滄從姪滿方外徹園結詩社于華川精舍右黃亦
以詩酬倡其間其姪孫炯詩學所從出也身後悉毀其
案故所存無多

對月江上

不忍對秋月清光怨白頭
勳華惜明鏡身世付東流
露冷蟲

吟岸天空雁度樓征西砧杵急倍益老夫愁

至金陵

湖海三年夢秋潮萬里心長風吹短棹直渡大江陰白月鉅山曉寒烟瓜步深桓伊遺跡在撫笛試相尋

柳

易

字道三號華溪錢唐人

朱子口華溪館于馬勝遂卜居焉草堂一區而臨清池堂後藤竹蔓翳路極幽僻穿窬者知為先生家不犯也居平以醫自給暇即吟詠與輩游

馬勝

濛濛芳露濕輕塵芍藥薔薇滿院春殘月墮簾幽夢醒綠窗

人喚賣花人

陳述曾

字似洲海寧人此子附貢生著明周詩稿

寓齋秋夜示兒子傳經

瞥眼吾衰矣其如鄉夢何有兒同作客少壯莫蹉跎
清齋三十日忽憶庾郎蔬昨夜雨初足故園秋荷鋤
天氣苦炎熱安眠還不能遙憐葺茅屋畚鍤力難勝
醒酒微風入閒吟杜老詩今宵好明月何以慰相思

陳繼曾

字序思海寧諸生論曾孫

尋梅

梅花如美人幽尋杳無跡何時衝寒開烟外踈花白

秋閨思

一夜雁聲苦千山木葉飛秋深已如許何處寄征衣

潘兆龍

字雲垂海寧諸生

野望

東風吹客袂極目野烟霏燕識山家屋人敲竹裏扉梅花落

如雨蛺蝶香際飛不覺夕陽暮還隨倦鳥歸

張爲雋

字元鶴號嬰圃瑞安人乾隆甲子舉人著都門雜詠

別容齋三兄

宮槐花落秋夜冷殘月半簾星耿耿寒蟬只管咽露鳴雲外
西風分鴈影坡老知心惟卯君對牀有約思離羣劇憐一會
一分手春光寂寞傷劉蕡此恨匪自今伊始十八年來常如
此鳳城時共守庚申鹿野何堪憶甲子吾兄文名馳九陌十
載談經空奪席投閒韓子髮蒼蒼猶勝書生頭半白粵東浙
西溪雨流相依子季寫離憂疎烟寒雨長安路今日歸人何
處舟後夜江南望江北瞻望兄分心惻惻秋山淡遠秋潭清
到處相逢見顏色

李日新

字含英號祓齋鄧人乾隆甲子舉人著自怡集

己巳除夕守歲與家人小飲

妻兒忘却向來貧紅燭高盤勸酒頻好似明朝添甲子先教
今夜守庚申何妨歡笑迎新歲未必神仙屬老身最喜三更
將柏葉幾杯能醉兩年人

王銘錫

字純永號龍文黃巖人乾隆乙丑進士官慶符知縣

咸學儒曰龍文爲文力掃陳言試南宮場中得其卷爲
陳勾山先生所賞識曰此必浙東名士吾浙西人不能
爲此榜發果然

喜河閘告成

黃巖迤南多平陸田疇萬頃膏腴足獨愁水勢若建瓴直下
金清少隄束河身逼窄河性鹹未早已看乾澤腹六閘旣灑
失車灌嗟哉佳績誰能續劉侯愛民如昔賢起相要地更興
築深安地軸勢寬平對峙邊牆製堅樸遇潦則洩旱則瀦坐

使民生資茂育相傳鑿石丈人峯有若神鞭爲驅逐石上髣髴成劉字得毋上靈默相屬君不見石碑有字作太平民誠物阜休徵卜無私覆載東西漸海隅固亦宜豐熟自今以始歲其有恒見三農生九穀粒我蒸民誰與歸緇衣攸好匪私祝

陳存矩

字以方號素峯海寧人乾隆庚午舉人永新知縣

青蓮先生終於寶應元年十一月十日今乾隆壬午恰千祀潛山繪像拜奠東軒邀同人共和

仙遊適千載修祀此軒間何以侑樽酒華不青可攀平生絕凡調終古仰醅顏風月依然在還應倒玉山

蘆溝橋逢聯江徐子卽別

蘆溝橋畔接征鞍十載天涯歲月寬文字泥人悲客老鄉關

連夢欲歸難論交猶憶當年勝執手應珍片刻歡爲喜相逢
復傷別斜陽滿路值春殘

寒夜疊韻

寒夜三更柝浮生一病身錢難需藥裹客已厭風塵興到題
詩疾愁來看鏡頻含情誰共語明月獨相親

魏夢龍

字象三號臥崖仁和人乾隆進士官工部郎中

湯禮祥曰乾隆戊辰會試先從祖對松給諫名已在中
列發榜時因三場卷誤編他人急切求原卷不可得主
司不得已以魏公易之時有魏公樂湯
公哭之語先從祖旋以辛未捷南宮

春夜思歸

半生愁緒一燈前世路茫茫歲月遷鄉語忽聞憐倦僕家書
不到隔殘年閒除眠食疑無事思入湖山別有天好趁春江
衝白浪醉吟佳句扣船舷

暮春卽事

旅懷孤賞總難歡
寂寂江城春又闌
雀慣窺人窗紙破
鼠貪飽墨研池乾
詩慵轉笑推敲苦
風軟仍餘料峭寒
此日故園花未了
紫雲紅玉捲簾看

陳

枏

字東麓錢塘人上虞籍乾隆戊辰
賜進士及第第二人官編修

遊浦城粵山道院

粵山是處足勾留
萬壑千巖一望收
自昔仙踪憶劉阮

道院舊名

迎仙樓

至今鐵笛閱春秋

上奉鐵笛仙

松杉蔥鬱層樓靜
道路廻盤

石洞幽悟得浮生早
行樂會看天地一沙鷗

登黃鶴樓

獨上危梯倚絕巔
遙臨大別對晴川
兩崖烟火樓臺外
萬里雲嵐几席前
粉壁尋碑詩尚在
羽衣吹笛跡空傳
江山俯仰

成今古目送斜暉意惘然

胡

韓字赤抒一字爾華號曉虛湯溪副貢生官太谷知縣著偶存草二卷

胡起銜行狀畧曰先祖在太谷地有象峪河灌漑萬二千畝有奇兩岸居民皆鑿口開渠以資種作偶亢旱特水利告訢訟莫決公蒞任勸諭定結勒碑河側人皆帖服蓋實錄也樓上層曰曉虛先生署大同以疾告歸所著偶存草外尚有道德論三篇餘論一篇閱史拾奇三十六卷今藏文閣一卷胡氏文獻錄六冊治家畧八卷

桐子灘阻港

晨行焦石岸午臨桐子灘水淺舟待溯至此焉不難巉石勒峻限激瀨鳴哀湍用盡千夫力只在咫尺步間孤棹數起落短櫂隨回環轉柁如轉石拔舟伴拔山貨多適為累篙工真貪殘一舉偶不申呼篙幾口乾客自各酣睡醒猶譁喧頓令躁心息胸懷為之寬方信水旋繞間與山控搏遲久乃寸進

見者精猶殫似此底不鑒田園閒盤桓

汪春溶

字晴江錢塘人

書同聲集贈盧召弓

余與敬甫息池交垂三十餘年中問頗多文酒聚會敬甫擬收拾舊

稿為同聲集不意與禾君先後厭世今令嗣召弓持所已輯屬書既賦仁孝之懷益傷良友之逝奉贈二

律并跋數言

屈指同聲少二人

謂禾君敬甫

流光過眼與時新披吟不覺淚如

雨握管深慙鉤似銀夢到蓉城仙作侶灰飛緹室谷回春書

時適悠悠行路休相問兩世交情久益親

汪永錫

字孝傳號曉園錢塘人乾隆甲戌進士由編修官至內閣學士贈禮部侍郎

主知

湯禮祥曰曉園少宗伯以文章結鄉試所取皆知名士復奉

命視

學江西學憲立千仞不名一錢至今豫章人士猶能言之後以閣學扈從至熱河卒於塞垣

特贈

禮部侍郎公劉道遠所著多高文大冊間事吟咏復

能抒寫性靈獨超恒徑標格在東坡山谷之間洵仰閣中雅才也

饒州試院古柏

古柏出簷際託根自何年枝葉半枯槁無復蒼皮堅一幹從西起嵯峨欲刺天生枝附其下尙能搖春煙三幹垂向東屈折真可憐倒懸生意絕空自相糾纏蟲蛇據其穴鳥雀巢其巔藤蘿縛更急僅得一線延物久生變態此理有固然誰爲驅衆侮庶使朽憊全

自饒郡舟行抵餘干出柵口灘

欲避鄱湖險須赴內河程內河淺且窄可愛一水清近岸多腴田二麥紛縱橫小山亦間出竹柏皆羅生四望田舍少時來人耦耕婦孺或聚觀吠犬微有聲天陰日易暮纔越餘干城過灘三十里川流頗盈盈連朝得時雨惠我良非輕前接

錦江路都是畫中行

游觀音洞

觀音巖下觀音洞幽奇本自地靈貢昔來徑過趨王程今過
仍游慮神惘寺門阻水設階梯佛殿因山欹梁棟遙觀但覺
氣凌雲初進方疑身入甕中分靜室作三層旁聚繡流成六
衆紫竹原從南海來白衣總自西天送蓮臺突兀豈苔磯寶
蓋紛綸因石湮無田但恐豐年飢有窟須防盛夏凍根深祇
許老蛟蟠頂削難教飛糝墜新觀愈偉拓心胸舊語胥酬釋
嘲呀人誰江上駕鳴壺我自夢中騎彩鳳二妙俱從嶺外探
永與飛來稱伯仲

始興舟中

韶州以南山固佳韶州以北水亦好山水何常在適情況我

往來原草草水光清泚湖不暉水勢潏潏石相抱絕無纖
擾魚蝦祇有枯柳灌稂稻有山看山頗已盈無山看水心胡
懔明朝水盡更逢山大庾重經費搜討

雨發贛州

贛江聞說秋來淺十八灘頭石初見豈知一雨忽成霖遂使
雙流奔若電我自南康昨日來人言北首今宵便長川有路
俯馮夷柔櫓無聲隨竹箭不覺孤城雉堞迷却疑分野舉
變沈沈草樹走雲烟滾滾泥沙生激湍明處時逢鶴鶴飛暗
中祇恐蛟龍現蓬窗晝閉日易沈衾枕夜寒身欲顛有興難
尋八境臺無心已抵萬安縣布帆安穩便欣然灘景雖奇休
臨羨

烏兜驛

客館萬山中山居趣畧同白沙牛渡水丹嶂烏吟風閉戶疑
禪僧開簾問野童虔州何處是不辨路西東

南安

此去通南粵雄關地脈分水流皆碧玉山嶂入青雲曉日烏
排陣陰天虎嘯羣休言風土暖木葉已紛紛

抵南康馮霽堂同年他出寄語前途相待已而遇於小
溪因與劇談共飯而別

五千里外異鄉路二十年餘同榜人宦海浮沈寧有定天涯
寂寞倍相親感君寄語情偏切知我加餐樂最真已向臨江
約驛李雁川同年歸帆何計喚連茵

曲江懷張文獻公

共說開元良宰相千秋風度重江鄉宋姚政蹟如驂朝燕許

文章作鴈行隱患無端生偃月奇功有數屬汾陽歸來蜀道
應流涕不爲香鄧飲恨長

明皇在蜀思九齡言
流涕此情之正也

游飛來寺

禪宮何事此飛來造物鍾靈亦壯哉水勢總趨滄海下山門
長對翠屏開二禺孰辨游仙路初祖還留說法臺不覺登臨
動鄉思冷泉亭畔舊徘徊

西楚霸王墓

舊愛龍門第七篇穀城山下見荒阡誰教勝算歸黃石竟使
殘骸付赤泉楊喜
封號晨起祇零兒女涕夜行空艤故鄉船魯公
禮在休惆悵坏土長陵亦黯然

羅羽豐

字習齋上虞諸
生著鷹峯集

吳省欽墓表畧曰君方七歲上氣經破岡吸風雨驟至
舟將覆諸子姓爭跳岸冀免且擊君上君以父年老且

久痺號泣持父踵願偕溺水水灌眩滅冠纓終不動須
與風止十七歲而孤事母哀生母朱負米輒十數里自
館穀外一介不苛取主福山書院十餘年性剛直其讀
書多有特見論小大雅皆以其辭為區別小雅不可為
大雅大雅不可為小雅雅之風不可為雅雅不可為頌
論孔子誅少正卯事雖不見經傳為後儒傳會而有口
誅筆伐之義論呂后殺韓彭以其名歸之帝而與日可
恣吾所為論崔實政論為管商之流此論也志梁處仁軼
烈漢隨以亡論蔡邕墓不當在虞邑論邕志梁處仁軼
事為不經予所見君鸞峯集論錄若此皆是發前人所未
也

雪霽之蘭風

雪霽如圖畫春光倍覺妍
佛頭青遠岫僧眼碧流泉
散步隨吾興消憂話舊緣
蘭風三徑古猶憶坐寒墀

宋慶嘉

字禾君仁
和諸生

壽盧息池

卅年末席廁同人蒲柳先凋白髮新
廬嶽遠探千尺雪秋濤

趨趨一江銀

時歸自江右

黃華色闌霜華豔小阮年齊大阮春有

約三三聯舊雨潮瘡城酒鎮相親

令叔敬甫去年六十

張

鮪字震升號青門上虞人乾隆辛未進士官寧波教授

和韻答友

薄宦驚秋客條然耐獨居貧應吾道貴懶到世情疎已落千

林葉相思一紙書故園煩問訊松菊近何如

杜正謫

字翹羽一字吉翁東陽優貢生官石門訓導著書盡勛榜人石門詩語溪偶吟秋興詩各一卷

陳家驂曰榜人在石門詩語溪偶吟培植人才為務軫其飢貧憫其勞苦士有抱才質者見而引掖之今如陳萬青

萬全鄉榜皆出門下詩如其為人詞醇旨藹稱長者言

樓上人層曰榜人諸稿失火時俱為人攜去

故金華詩錄止存四首今復搜得補之

戴璐曰先君司鐸東陽月課諸生拔杜正謫第一旋以

優貢入都其兄正華字夢先好吟工畫竹以詩稿來質

先君序之并題墨竹歌今東陽採訪詩獨無夢先豈其稿

已不存耶夢先無子盡以已用助宗祠並立親賢別廡

其獨行有足紀者故附及之

松化石

延真有古松歷歲經千百一宵雷雨寒虬枝忽成石昔受秦王封今同卞氏璧須知大冶中造化有變易不見望夫巖貞婦誠所格化虎聞牛哀昭然垂史冊是乃物之常非關仙人跡焉知此石存不復爲松柏

徐本禮

字秉之一字沐雲鄞縣拔貢生官分水教諭著沐雲詩草

送屠鴈湖南歸

少小偕游及壯年燕臺風雨又隨肩載將離恨江南至予力京於五月至拂却征塵趙北旋吾輩銷魂惟別意此中愁思正秋天相期三載知無遠目送歸鞍快著鞭

陳能聲

字鳴遠一字曉園義烏拔貢生官連州州判

鄭公墩玩月

秋聲吹不極一徑鄭公墩落木欣逢寺孤煙迴得卽酒邀人
酌月詩傍客敲門恰好當孤嶼湖光擁綠樽

平聖臺

字瑤海號確齋山陰人乾隆甲戌進士改庶吉士出爲金溪知縣歷官廣州府同知

蔡英曰瑤海先生晚歲自號火蓮居士築室鑑湖之濱顏曰餘菴營生壙其右與方外人焚修其中顧未免爲

塵累擾其清思半淪七十而卒

梧門詩話平瑤海甲戌會試出錢文敏門下公嘗稱其館課一鈞楊柳外彷彿上弦初及公已卯典試江西瑤

海由庶常改縣令奉調入闈公途中見新月懷瑤海云涼風已見催秋去碧漢何嘗待客還不信一鈞楊柳月

此詩只令老途間

國子監西講堂槐樹歌

星精下降元氣含卿雲上覆靈泉涵誰其植者魯齋許西堂
故蹟章縫請孤根輪囷餘縮蠶苔衣蟄蟄紛青藍剝腹不免

螻蟻穴之而或受園丁戡塊然獨抱不朽質倏忽已閱滄桑
三扶輿磅礴迴九地兔目鼠耳爭春酣禿頂曉潤初蠶鬚碧
霞忽墮祥鸞驂學官弟子走相告講壇列坐圍清菴風蟬遞
咽玉露甘共藉美蔭開瓊函丞廳連理西液柳每聞好事資
幽探此樹獨先諸福物非甚盛德何以堪釋菜禮成胥鼓南
雅化直與虞周叅築堂不羨世家貴踏花豈慮青衿淹涼颶
登頓石鼓側年年葉底飄紅蟬

枯槎

梁瑤峯前輩寓齋有枯柳一株梅村先生舊居時物
也乾隆甲戌之秋瑤峯前輩自作枯槎賦屬商寶意
先生諸桐嶼吳鑑南暨予各紀以詩

蟻蘭蜂窠駁薛紋幾年珍重避樵斤婆娑寒夢三分月將散

春陰一段雲喜得蘭芝稱瑞物曾從牛女證遺聞主人滌筆
金莖露不比東陽殷仲文

飛絮如團點客襟章臺折馬舊成陰良材肯作溝中斷嘉耦
猶憐廡下心彷彿聞機秋耿耿參差壓笛夜沈沈眉痕山色
都如畫只合秋聲伴苦吟

夜坐

掩卷月初上開衾人又醒犬聲遙若豹燈焰細如螢地曠寒
都集愁深酒不靈秋蟲應有訴剝啄叩疎櫺

試燈夕過蘭溪

明月橫千里澄江靜見沙居人惜令節簫鼓鬪春華悄悄不
成寐棲棲慣別家惟應今夜路孤鴈送征槎

自臨川至崇仁道中

林端雨霽散烟鬟水抱村扉綠一灣却忍朝飢行十里笋與才過米堆山

范家相

字左南號蘅洲會稽人乾隆甲戌進士官柳州知府著環溪軒詩草

紹興府志家相弱冠薄遊年至四十歸而杜門研誦乾隆癸酉甲戌聯捷成進士授刑部主事歷郎中出爲柳州守僅歲餘以疾告歸晚歲手一編砭砭不置所著詩滿二十卷三家詩拾遺十卷經史論述合百餘卷

維揚雜詩

綠楊城郭水初銷十里秋雲覆畫橋何事人間最惆悵月明風細聽吹簫

泊秦郵

長堤如帶柳絲垂斜日停橈問酒旗三十六湖回首盡暮烟何處最迷離

蔡以臺

字季實號蘭圃嘉善人乾隆丁丑曾試日講起居注官皆第一官翰林院修撰充

碧溪詩話蔡熾撰詩求之三十餘年不可得見嘉慶丁巳始得讀之詩僅二十餘首而冠首一篇平定回部大

功告成恭紀五言長律一百二十韻華藻宏麗

前鳴盛之巨製餘亦格高調爽不類蛙黷凡響

咏地爐

暖氣充虛白爐烟散夕紅就中通地軸此外盡春風陶復叅
圓象離明起半弓坦夷無窘步光燄欲摩空客散茶猶熱詩
成墨正融禦寒欣有託妙處奪天工

宋佳琇

字尚璧一字華峯金華人乾隆己卯舉人官昌化教諭著賦梅堂稿

樓上層日華峯登賢書後歷署溫州教授順縣訓導補授昌化教諭在任二十二年庚戌截取却縣選得寧遠

未及赴任
卒於都

辛亥七月留別昌化諸紳士

我來憶在庚寅歲檄向唐昌得備員燕洞鵠山雙鶴登紅亭
紫水一青氈地偏家抵桃源俗學古書開薤葉編誅國忠維

兩折舊汗衣

卷二十九

范家相蔡以榮宋佳琇

完

風采烈胡端敏公祀鄉孝有表坊傳崇祀鄉賢方欽前宦來

蘇軾敢謂寒官類鄭虔俎薦茅芹襄大禮盤翻苜蓿迅流年

予在昌化三滿俸人依講席門堆雪堂撫焦桐韻叶絃酌酒

故維巖桂辣哦詩剛狎海棠顛居然捲雪頌春地邑有捲雪堂頌春亭

古剩有吟風弄月天計典曾經三滿俸賓興恰合九開筵在

學預秋闈
饒者凡九

綸叨北闕來雲際恭逢萬壽頻

駕奉南巡到日邊翠華南長路可容忘展驥時奉吏部

寸誠偏自感銜鱣深慙行與昇仙興遽爾情膺臥轍然識姓

市童滋款曲知名卿老致纏綿予在學久市童咸呼為宋師治經治事齋

仍啟如虎如獅望尚懸鄧定宇黃葵陽之成進士論者也擬

結茅雙澗畔却懷栽麥南岐連漫誇飛步星郎好還仗濡

雪友研定是江湖偏審此廻風歲暇紫微巔

謝

立

字與可永嘉人天墮子
官白水知縣著自怡集

菊影

自是仙根厭物華白描高致獨欹斜殘陽一任紛籬落老眼
無從辨葉花莫散叢金荒曲徑好圖空色近山家多情欲傍
秋畦采日暮煙深隔絳紗

顧華白

號芳華鎮海人著
詠梅詩三十首

自序曰昔溪吳芬木泛棹西泠登孤山之上見草間斷
碑披蘇視之得三十字村烟寄隔竹云云語意奇脫吳
遂以其字分配次韻詠梅花詩三十

絕過索同人和章余亦強拈以應之

戴端曰吳芬木名蔡乾隆辛酉

舉人海寧教諭詩人斯洛之子

朱文藻曰顧芳華所著詠梅詩三十首錄一小冊吾戚

黨田易祖有已故叔祖諱嘉穀字培之者家藏敝篋搜

得之初疑以爲其從祖所自作余細按之前有華白自

敘則其人字華白矣後有惜山孟騷敏度駢體跋一篇

內云芳洋顧先生文淵彭洋雄視蛟川逕跡崎嶇淪居
蘇郡偶逢別穴搜巖之士忽發吹枯噓稿之才處土碣
邊挂劍忽來季子孤山林下添毫應讓長康云據此
則作詩者為顧氏華白其字芳萍其號也鎮海有蛟門
云文淵彭洋雄視蛟川知其字芳萍其號也鎮海有蛟門
稱稽山亦屬越云逕跡崎嶇淪居蛟川是當流寓於紹
興故郡人孟騃見而政之也倡為此詩者茗溪吳氏
故云挂劍忽來季子云添毫應讓長康是為撰人顧氏
之證也詩凡七絕三十首自一東至咸以上下平韻為
次題曰村梅烟梅寄梅牆梅竹梅蝶梅夢梅落梅江梅
風梅瓶梅雨梅山梅亭梅蚤梅燈梅簾梅庭梅雪梅宮梅
梅遠梅池梅節梅野梅霧梅古梅寺梅畫梅雪梅宮梅
皆就孤山碑中三十字分立之惜其自序但言村煙寄
牆竹不知餘二十五字如何五字為句也作者不知何
時人今以其為田培之所藏川
為乾隆中人姑與之同時列焉

竹梅

曲曲琅玕玉骨肌歲寒心事兩相齊征人五月裁成管吹落

江城一處飛

燈梅

銀花玉蕊並爭妍靜對紗窗瘦影偏豈是水心還向熱夜深不肯放人眠

王

標字滙東號立齋歸安人仁和諸生著周禮

絮吳葵詩選范少司空約齋拾存開燕齋詩鈔
嗣後雲泥闊絕者二十餘年迨返初服卜居潯溪造謁
仍如平生歡因得晤其快婿龍湖王君若英年績學揮
塵霏屑知其腹有詩書先生乃屬出吟藁相質雅健雄
疎殊不類少作因率錄之然一鱗片
甲未罄其全泝流窮源更俟他日
吳興詩話王贈公先世自休寧遷居歸安之菱湖諸父
羣從官郎署任道府以下者若而人公獨涵醇抱素績
學能文多所著述且善書工詩屢為名流鑒賞有子四
人稟承家學攻苦益力乾隆乙卯季子以錫舉南宮第
一三子以銜第二遂隄天下
科名盛事不但桑梓黜之也

江行雜詠

終古寒江月一輪高秋半渚水粼粼推篷估客船無數不見當年詠史人

板子磯連螃蟹磯朝來入饌鰕魚肥洲邊菱芡牽風長浦裏
鳬鷗接翅飛

妙高高處簾齊捲紺宇丹楓縹緲間堪笑往來緣底事江山
如此不登山

查岐昌

字藥師號巖門海寧諸生嶺行

家傳畧曰岐昌子著巖門精舍詩鈔

經閣讀古記二十卷約百卷俱散失今存已刻詩二卷

未刻詩二十四卷卒年五十

文集二十卷詩字畧曰浙中稱詩家前以秀水朱竹垞

楊繩武巖門詩序畧曰海寧查初白先生為職志秀水有

先生為宗主而後以海寧查初白先生為職志秀水有

孫稼翁會與余共事春秋館見所為詩甚多初白孫藥

師則從許明府南臺寄示巖門山樵詩兩卷一曰笑癡

集乃昨歲在吾鄉所作江上集則今在白門之詩也稼

翁詩清麗適上藥師詩排纂妥帖各有其所得力亦各

本其家法對稼翁每念秀水今

讀藥師詩其不愧為初白孫也

春柳次和江寧袁明府簡齋韻

染就鵝黃薄襯烟江干管領豔陽天可知態好惟春日競得
風流是少年綠展眉痕登草外青開眼界杏花邊不緣芳信
闌珊後特爲清陰駐裊輦

糝衣拂馬一條條萬縷纏綿作意飄乍起乍眠終古渡半迎
半送幾前朝情牽舊雨還新雨夢遠長橋又短橋莫倚東皇
誇爛漫露華濃處闌輕腰

陸

琛字儵橫烏程人有南樓居士遺詩

碧溪詩話南樓居士遺詩一卷從張進士若采錄示皆從其尊人宦游粵西所作其詠山川名勝皆有裨於志乘非徒取其詩之工而已

卽席戲題

獐曲蠻歌亦可聽紅牙初按酒初醒邕江南去三千里無數
烟巒向晚青

窄袖輕衫總泥人好春良夜合歡親殷勤莫遣歌紅豆多少
湖湘流落身

鏡前紈扇不禁持障而都嫌相見遲莫向東風怨憔悴春光
偏上綠楊枝

三生曾是鄭櫻桃瘴雨絲絲濕絳綃呼與鐙前微索問只應
家近海棠橋

三灘月夜

江月殊娟妙團團上翠微急流無定影暗嶺借餘輝樹色夜
俱靜雲容淡共依邨鳥一枝在樓穩莫驚飛

哭施詠沂

名曾錫乾隆丁卯副榜

名盛非全福材多詎甌胎寒瘴了生事佳句入衆臺白髮高
堂暮青春少婦才梁園終不起花影慘成堆

詠沂閩人金病中寄詠沂詩云

平日長添病課一窗花
景校醫書爲時流所稱

峽江夜雨次卿田兄韻

客枕風濤上江波急夜流燈花寒木焰雨氣入孤舟徹曉疎
疎響長吟字字愁鄉心逐江水一夕滿汀洲

發清遠畱別卿田兄

遠道何爲者江山指去程帆開秋棹濶客對晚風清嶺外無
鴻鴈天涯念弟兄幸因青鬢在努力事功名

陳天顏

字拜君號則
亭天台人

蒲溪次次風韻

層城迢遞蔚朝霞餘氣猶蟠碧澗涯自信崑崙流赤水却疑
勾漏湧丹砂陰攢錦樹千盤曲影寫青天一綫斜正是春來
新雨後問津處處誤桃花

兩浙輶軒錄卷二十九

附天卷

三

張之森

字伯倩號耐菴餘姚諸生

晚眺

野曠風常急江空月自懸
鴉爭霜外樹犢飲雨餘田
帶水潒斜岸孤村起暮烟
蕭條塵慮靜乘興上漁船

葉

驥字東御號排子山陰人

德化道上

江上匡廬馬上逢畫圖不似舊時工
路經對峙雙峯下身入空濛
一碧中青眼每從花索笑白雲還與石爭雄
只今西嶺霞飛處照入澄潭徹底紅

史敬義

字正方餘杭諸生著西湖竹枝詞百首

西湖竹枝詞

琉璃百頃似銀塘流苻參差翠帶長
水近樓臺花近水愛他

處處有爲鴛

三面青山獨缺東孤山不合在湖中憑誰移補東偏缺便有

紅塵無路通

薛

鴻

一名洪字濤

山仁和人

虛文部曰薛鴻山家於仁和青莎里少從學於先君及

沈桐扣先生之門讀書過目成誦作詩文不迨草書法

各體俱工

一生不偶

戴冰衡招飲迎夏

杜宇難爲夏新荷預養春雲將峯勢變雨洗月規新往往無

窮事茫茫未盡身殷勤新釀酒堪結白頭鄰

吳修敬

字期安號遜堂山陰人著遜堂臚稿

次海上人初秋寫懷原韻

情牽野鶴與孤雲稚子喧呼總畏聞歲稔還書乞米帖才疎

僂著送窮文繩牀夢斷梁間月精舍談餘樹杪曛久擬天親
與無著露明葭莢倍思君

唐

虞字孟威山陰諸生著古雪詩鈔

詩巢六君子歌

詩巢在臥龍山麓與倉帝廟前後相連六君子者賀季真方雄飛秦公緒陸放翁楊廉夫徐文長也

翁楊廉夫徐文長也

有唐迄明六君子生不同時居同里東南壇坫主風騷一瓣
香傳鏡湖水丈夫不死重功名死後不論公與卿文章異代
同聲價貴賤由來直抗行臥龍秀抱森林木紺雨崇階枕山
谷飛雲在棟月在幰燦燦文芸此歸宿放翁風格賀監開黃
冠團扇相追陪方秦二君結同調韜韞光采甘蒿萊老鐵峽
嶒絕餘媚青藤草野鳴奇才或仰煙霄困翬羽或視青紫同
塵埃冷然今古洽風雅不啻修竹交寒梅雷風火澤水良力

冶鎔捶各効職天工養氣地鑄形攬盤輪固有定式莫道
風微正宗缺前模後範紛羅列片席長留蕉荔香靈根不斷
山川脉我來展謁逾春秋更抱遺編誦晨夕慢作尋常廟社
觀此是千秋風雅窟

繞門山盤石歌

飛雲化石石繞門門前門後排雲根石破不管蒼苔驚鑿者
得非愚公孫愚公而山怒亂石何况繞門盡矛戟叱之不起
煮不融霹靂作聲皮骨裂巨靈自雲下五丁乘風來千尋百
丈倚天立雨酥泉溜生肥苔繩梯椿禦經營久足不能容代
以手如猱升木鼠跳梁以金攻石鳴耶郎當初疑碎磬擊上方
旋驚裂竹破垣牆須臾手如白雨點四山響應分低昂星火
迸落縫吐光激水用柔柔剋剛制器尙象尺寸量混沌有竅

七日山石兮轉盼嗟滄桑
倔強詭怪造物忌藏身
宜與塵世避呼兄呼丈有幾人
胡事歆傾惱人意君不見縹緲透玲瓏
一如吼犬亭之山何獨壽

沈士鳳

字羽皇號南塘山陰人

越風南塘為封野冢孫以孝友世其家父滌應少貧窮
氣客遊塞外垂二十年無信耗南塘獨攜襖被萬里尋
親窮山惡水足跡幾徧閱三載見之涼州驛舍并負其
庶母弟妹以歸先是善扶鸞者為古得一詩有云直
須長鬚張郎歲方許尊前樂事多至是年果三十八矣
生平恂恂無忤物色書法得祖風晚年以筆墨自養遠
近求書者踵相接茗上孫端人宮允主講俄山與沈懷
清觀察潘意田學士任處泉太守王越雲同曹孫豫聲
州刺仿洛社為耆英會南塘以布衣太監謝為稱首詩
不苟作少時客岳中丞幕府與任開宗觀察相慕重多
倡酬之什不自收拾存者寥寥

送劉禮門赴粵

無端分手轉飄飄
蕭瑟秋風悵遠天
千里相隨惟有夢
一尊

重把又何年歸來鑑曲翻如客住近羅浮亦是仙我獨鄉居
愁索處每牽離緒嶺雲邊

王世華

字亦良一字翠巖又號夷白山人東陽歲貢生

樓上層曰翠巖工書法骨節

外勁肌理內潤至晚尤卓

陳焯曰夷白方正有守

愛吟詩書法蕭魯公

戴璫曰東陽士鮮工書獨世華愛臨松雪每以字試列前茅同時有孫滿堂字聚玉亦以書名

水樂亭落成壘前韻

荒宇西峴上移構紫雲巔澗錯嶙峋石崖飛曲折泉琅琅成

古調落落有名賢來聽鈞天響倚闌空暮煙

吳金城

字建雄錢唐人

酒旗

糟牀漸瀝酒初篘競翦青帘挂樹頭楊柳晴煙新綠逕杏花

還看蝶翅斜二月春風都屬柳一年今日獨名花會須檢點
嬉遊具好趁晴波放釣槎

答慈山先生問一壑松風

匡廬地數弓彎環類深谷風景敢誇幽位置頗云淑長廊曲
抱池斗室低枕麓中間列茅亭脩檐接喬木松聲落其南梧
影轉而北樓近快登臨軒清便誦讀雖無徑三三恰對峰六
六機刺魚出遊覲鳥投宿爲公綴此詩敘我數間屋不信
期一來知語無虛錄

陸

鑑

字乾九號拭齋平湖人

朱爲弼曰拭齋先師爲雅坪閣學曾孫敦行績學處境
懋軻恬如也弼束髮受業誨益良多工吟咏不苟作

除夕

今夕是何夕明朝又一年室家空里礙師弟樂周旋柏酒堪

謀醉梅花欲破妍只愁身漸老對鏡感華顛